



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quare Christus non fuit decimatus in Abraham sicut Leuitic. C

urn:nbn:de:hbz:466:1-38829

Ad principiu immunis extiterit, Augustinus euidenter ostēdit
e 30. in to. 7. in libr. de natura & gratia: inquit, Excepta san-
 cta virgine Maria, de qua propter honorē domini,
 nullam prorsus eum de peccatis agitur, haberi vo-
 lo quæstionē. Indē n. scimus, quod ei plus sit gratiæ
 collatum ad vincendū ex omni parte peccatū, q̄
 cōcipere ac parere meruit, quem constat nullum
 habuisse peccatū: Hac ergo virgine excepta, si om-
 nes sancti & sanctæ cōgregari possent, & quære-
 tur ab eis an peccatū haberent? quid responderet-
 tur, nisi quod Ioannes ait, Si dixerimus, quia pec-
 catum nō habemus, nos ipsos seducimus? Illa autē
 virgo singulari gratia præuentā est atque repleta,
 vt ipsum haberet ventris sui fructum, quem ex ini-
 tio habuit vniuersitas dominum: vt illud q̄ nasce-
 batur ex propagine primi hominis, tantummodo
 generis, non criminis originem duceret.

Ioan. 1.

*Quare non fuit Christus decimatus in Abraham, sicut Le-
 ui, cum caro quam acceperat in eo, fuit peccato
 obnoxia.* C

Cum autē illa caro, cuius excellentiā singularis
 verbis explicari non valet, antequam esset verbo
 vnita, obnoxia fuerit peccato in Maria & in aliis à
 quib⁹ propagatione traducta est: nō immerito vi-
 deri pōt in Abraham peccato subiaceisse, cui⁹ v-
 niuersa caro peccatis subiacebat. Vnde quæri so-
 let, quare Leui decima dicatur in Abraham & non
 Christus, cū in lumbis Abrahæ vterq̄ fuerit secun-
 dū materialē rationem, quando Abrahā decima-
 t⁹ est, & decimas dedit Melchisedech, tunc n. Apo-
 stolus, Leui decimatum dicit in Abraham, tanquā
 in materiali causa: Quia ea decimatōe sicut Abra-
 hā minor Melchisedech ostēditur, cui personaliter
 decimas soluit, ita & Leuiticus ordo, qui in Abra-
 hā secundū rationē seminalē erat, & ex eo per cō-
 cupiscentiā carnis descendit. Christus autē nō est
 decimatus, quia licet ibi fuerit secundum carnē,
 non

Gen. 14. d.

ad Heb. 7. b

non tamē inde descendit secundum legem communem, sc. per carnalem libidinem, sicut etiam in Adam omnes peccauerunt, sed non Christus. *Ad Rom. 5. c. l. 10. c. 19. in fine, rom. 2.*
 Vnde August. super Genes. Sicut in Adam peccante, qui in lumbis eius erant peccauerunt: sic Abraham dante decimas, qui in lumbis eius erant, decimati sunt. Sed hoc sequitur in Christo, licet in lumbis Adæ & Abrahæ fuerit: quia non secundum concupiscentiam carnis inde descendit. Cum ergo Leui & Christus secundum carnem essent in lumbis Abrahæ, quando decimatus est, ideo pariter decimati non sunt, quia secundum aliquem modum non erat ibi Christus, quo erat ibi Leui. Secundum rationem quippe illam seminalem ibi fuit Leui, qua ratione per concubitum venturus erat in matrem: secundum quam rationem non erat ibi Christi caro, quamuis secundum ipsam ibi fuerit Mariæ caro. Ille ergo decimatus est in Abraham, qui sic fuit in lumbis Abrahæ, sicut ille fuit in lumbis patris sui: id est, qui sic est natus de patre Abraham, sicut ille de patre suo natus est, sc. per legem carnis, & inuisibilem concupiscentiam.

Ibid. c. 20. ad princip. Ibid paulo inferius.

Qua ratione caro Christi dicta est in scriptura non fuisse peccatrix, sed similis: quo aperitur quare obligata peccato non fuit in Christo.

D

Quocirca primitiam nostrę massę rectē assumpsisse dicitur Christus: quia non carnem peccati, sed similitudinem carnis peccati accepit. Misit enim Deus filium suum (ut ait Apostolus) in similitudinem carnis peccati. Assumpsit. n. verbum *Ad Rom. 8. a.*
 carnem peccatrici similē in pœna, & non in culpa, & ideo non peccatricem. Cætera vero hominum omnis caro peccati est. Sola illius nō est caro peccati: quia non eum mater concupiscentia, sed gratia cōcepit: habet tamē similitudinē carnis peccati per passibilitatē & mortalitatē, quæ esurit, sitit, & huiusmodi. Licet ergo eadē caro sit eius quæ & nostra,

LI

nostra,